



CHINESE - JAPANESE LIBRARY OF
HARVARD - YENCHING INSTITUTE
47 HARVARD UNIVERSITY
JUN 27 1941

T2574/3810







華

亭

顧

氏

雲
寺

中
央

永

春

堂

記

詩史

華亭顧氏

永春堂記

顧氏詩史序

哈佛大學漢和
圖書館珍藏印

顧中翰仲方著詩史若干
卷自三五以迄宋元代有
引人有述仍自為之序其
詞甚斐亶而要渺書既成
則以命不佞為前茅不佞

水香堂
卷五
詩史序

稱詩不能游商賜之藩讀
史不能窺左倚之秘何足
以為仲方役雖然嘗習三
百篇與春秋而得其微矣
夫人戴大圓而履大方始
未嘗不靜質而繼乃感遇

雜揉也感遇錯而事變多
事變多而文章之為用廣
要而言之不越於著述比
興二者分派異驅而詩史
秦越矣然詩之誦美刺非
即史之褒善貶惡豈其刑

書樂府判然王者之二官
而不相蒙也雅誦所載鴻
猷懿烈如譜如圖則惟天
下之史七月小戎諸篇土
風謠俗如歷如指則惟一
方之史下至里歌巷詠田

夫紅女矢口而成睽離觀
合有無黽勉亦可以為一
家之史孟子曰詩亡然後
春秋作叔世失道混三維
亂五性詩不足勸懲而藉
力於史譬之微言感俊而

大聲警聾其出之齒舌亦
何殊哉奈何世之輕視詩
而濶於史也六甲未窺三
倉未探寒膚枵腹於古今
升降之迹寐如而徒丐殘
膏乞賸馥以號于人曰詩

腹音厚物如增如也桂
胃殘膏賸馥故也後人
多矣且存者

也至于今而千群百黨充
壇盈席矣高者擬卑者竊
率皆未同而有懷無感而
自慨其於性情之義何取
而於勸戒何裨仲方所為
詠史詩也上下數千百年

出入二十一史枚舉件係
精研博羅即事以成文托
聲以模事其於天運惓舒
反覆人代汙隆出沒之變
深情深味形際神來真足
起九京之風貌發重壤之

幽潛使讀之者奮其至心
而懲其戾習生有真惕死
有餘寒其有助於先王之
教也抑豈淺淺仲方家故
高貲能自斥散為

天子侍從臣能早自謝免蕭

然野處閉門修古所居累
石疏池紆迴窈窕宛如深
林複岫一時清流雅致推
為巨擘曾著咏物圖譜膾
炙于世乃又以為壯夫所
薄故復托寄於茲辭之聽

咸池九奏而陋吹管擊缶
之響窺玉海發珠丘目飫
天地之竒寶而笑彼航販
市鬻數錢操幣之為瑣瑣
也吁嗟仲方其傑於詞壇
哉是編行當使左太冲却

步而張景暘失色區區近
世食餘啜殘雞口之羣又
何足與較雄雌

社弟玄岳山人馮時可撰



顧氏詩史序

太原王穉登撰并書

古今咏史之作代不數人、不數篇
杜陵雖稱詩史不過陳往軌述時
事托諷喻雜歌謔一切嫩惡勸懲
孤憤激烈寓之聲律而已顧仲方
先生詩史則異是自軒農迄滕

國自黃屋迄帝衣自鴻勳偉
節迨獨行貞逸自金石管絃迄
緝柳編蒲之士代各有序人名有
詩彙蟲藻火者十之八九斧鉞干
莫不及二三讚頌多而諷刺少故詩
人溫柔敦厚之旨哉上六三千餘年
出入二十一代以風雅之音通春秋之

筆詩乎史乎豈不合之雙美乎乃
其詞則靈興霞蔚思則春澤秋濤
調則玉磬黃鐘古則瓦棺篆鼎奇
則天琛海賈博則二頁五車信乎
字挾風霜聲含律呂者矣今世詞
林執苑著述如山梨人棗人腕欲解
指欲脫非不補作者之盛哉然上者

編其般草帳下者效頻卑與子步拾
牙後慧以騁風雲月露路之技甚
則做篇什代含沙中人如得夫人藥
七首於風人史氏之義已當即醞
雞之醜且不堪西復况可藏之名山
縣諸國門耶仲方風標鮮令
興寄蕭遠家有園林泉石之

勝案有國史鼎彝之美如東方曼
倩吏隱金門書品畫法典詩調
風稱三絕不忝其家虎頭乞者
戶屢鱗集一旦拂衣歸老九峰
三泖薄許子將諸人求田問舍不
知穀青為何物遂去家入產
一意編摩以陶泓為膏腴不律

為耒耜隃摩丹青為黼黻謳吟
嘯咏為鐘球他論著多千篇幾
充棟矣然高緼僧者無踰詩史
余既序其端復問曰先生以史名
詩乃不載鄒魯聖賢與涵洛澳
閩諸儒何故仲方曰我不嘗言之
乎蒼者者詎可以雕且績也姑置

之以當史闕文

萬曆庚子夏六月廿日書於

淡室



詩史自叙

嘗聞詩咏言史記事兩者並垂世教
而率不相為用云然自太師陳詩以
觀風其間如閭巷歌謠與朝廷燕享
之什無非史者及孔子著春秋筆桓
之間則章至之哀之際則微紀二百
四十二季行事之跡衮鉞森如而溫

柔敦厚之旨較若合券則亦無非詩也者故傳曰王迹熄而詩亡詩亡然後春秋作春秋者得非經中之史而亡於詩者之詩歟自微言既絕詞之代興揆羅史氏之舊聞而取裁於六義舉肯古興亡善敗莫爲可歌可涕之事一切寓之於詩而永言記事之

體殆不岐而爲兩夫春秋筆削游夏不能贊一詞片孔子猥云竊取後有作春秋者不足以肩公明而欲評隲千古以標幟詩壇諱何容易咎唐以詩程士士心治詩傳者夾於萬而惟杜少陵氏之能世稱詩史詩蓋難言哉不佞少鮮師承無專業劍嘗

一啖無當蟬鳴第生平喁々好古每
遇古人竒節偉行瀉辭麗藻則心竊
嚮往之鬼有所稱揚以志吾高坐之
慕讀史有得輒形賦咏而會遊仕京
師繪事碌々無間晷向所呼吾成帙
畚業已敝帚棄之已而杜門養病營
芟裘以走唯曰縱浪於煙霞水石之

偶檢故箴得舊書所爲咏史若干章獲
三言心論次翻閱二十一史以增飾
其略于是代各有序心各有顛末詩
各註本史而又旁及羣書得之讚頌
者十之七出之諷刺者十之三而吾
宣尼至聖身鄒魯名躋暨濂洛關閩
諸大儒獲佚而不載則繪天地畚難

爲工矣帙成而客請版之以與咏物
詩竝行於世余謝不效答楊子靈少
而好賦曰鏤心刻腎以人司馬氏之
寧而晚更薄之爲雕蟲之執余所咏
史聊綜叙古答以資童子咏歌非真
妄有揚扞以自附騷心楚史之流而
至干自用之戒且咏物盈譜摹擬烟

雲業爲壯夫捧腹况敢獲發之以賈
笑客曰古三百篇洋洋灑灑豈盡濟
廟明堂哉如衛人之哀及壽秦人之
咏三良雖情詞淒惻非後世詞人所
能道而總之亦閭巷之謠咏史之屬
也讀公詩而明君察相之勳猷高賢
逸士之遐軌收摭殆盡蓋三子餘年

間興亡善敗之跡一展卷可覽其大
麗謂古以史續詩而公以詩述史掄
揚風刺以化於古者閭巷之謠奚不
可矣咎若太冲三麗之賦也猶侯某
成覆醬齧公非縣之國門以侯之心
增損之也又且藏之名也固傳
夫公詩誠足不朽即藏之名也固傳

即以覆醬齧亦傳余謝唯
余詩唯
襍無足不者敢望增損之以辱大方
其取以覆齧則惟命遂亟付之梓也
萬曆庚子新秋吉旦

琴亭顧正誼仲方甫撰



社末孫孟芳世勳甫書

詩史凡例

一唐人多以律絕詠史而文選所載則皆五言古竊以律拘對偶叙事未免牽合絕限短章顛末不無挂漏故是編多用選體

一古人詠史必意有所指而借古事以託諷或有所感觸而卽一事以抽揚未有摭一人之生平而備論之者獨盧郎中覽古一篇顏特進秋胡九解則以叙事爲體今是編大都法此其是非褒貶竊亦自開門戶

云

一歷代帝王難以具載唯舉開基之主以表
一朝統緒若守文之君非勳業顯著者勿
錄也是以弑逆若朱温而不廢節儉如漢
景而勿收

一標題命篇悉法綱目如春秋戰國本載諸
侯大夫之事無一語及周而並云周紀者
天下不可以無王也三國則黜魏吳而帝
昭烈六朝則分南北而紀孝文見操權爲
炎漢之逆賊拓跋非劉宋之叛臣也

一 是編所詠必奇節偉行之士而間有功罪
相半者亦書若李斯桓温楊素之類是也
或名節已虧而文章足錄事迹可矜者亦
書若楊馬潘陸田竇李陵之類是也或負
爲名高而實生亂階者則亦書若王衍王
安石之類是也此雖錄其所長而必攻其
所短且探其隱奧而始定其雌黃其與奇
偉之士固已隔一間矣至如秦之趙高漢

之董卓唐之李林甫宋之蔡京秦檜之徒則罪狀較然無容置喙故皆黜弗論

一戰國以前姓名或缺故詩題有書字者有書爵者有書子者秦漢以後則皆書名非敢附於春秋袞鉞之嚴而妄有褒貶也

一事跡相類者合爲一詩如三仁四君之屬是也同利相爭者亦合爲一如袞晁田竇牛李之屬是也或迹相類而心不相侔朝肝膽而夕楚越者亦合爲一如袁紹劉表之屬是也

一帝王大政有繁冗不可合論則釐爲幾章詞斷而意續用秋胡詩分章體

一註中所引書目出二十一史者則曰本傳出諸家文集者則曰別傳或雖出本史而見他傳者則曰某史某人傳若見諸他書則遂各載本書或詞煩而以已意節之者則曰按以別之

一晉魏以前多用本史六朝以後其書多蕪

穢始叅用綱目云

雲間潘維垣寫

引證羣書目錄

易經

書經

詩經

春秋

禮記

孝經

周禮

儀禮

大戴禮

詩小序

尚書緯

春秋繁露

爾雅

左傳

公羊傳

穀梁傳

尚書大傳

毛萇詩傳

韓詩外傳

穆天子傳

漢武內傳

老子內傳

趙雲別傳

淵明別傳

萊公別傳

列仙傳

列女傳

列士傳

逸士傳

神仙傳

江表傳

名臣傳

稽康高士傳

陳鴻長恨傳

汝南先賢傳

皇甫謐高士傳

史記

漢書

范曄後漢書

謝承後漢書

三國志

晉書

宋書

南齊書

梁書

陳書

魏書

北齊書

周書

南史

北史

隋書

唐書

五代史

宋史

遼史

金史

元史

竹書紀年

戰國策

越絕書

晉史乘

楚史檮杌

吳書

天祿閣外史

何法盛中興書

綱目

通鑑

宋元綱目

宋元通鑑

小學史斷

庖史

老子

列子

莊子

墨子

傳子

文子

尸子

慎子

管子

闕子

淮南子

抱朴子

子華子

韓非子

孫武子

燕丹子

文中子

金樓子

孔叢子

尹文子

老萊子

子家子

呂氏春秋

吳越春秋

魏氏春秋

晏子春秋

獻帝春秋

漢晉春秋

九州春秋

楚漢春秋

孫盛晉陽秋

檀道鸞續晉陽秋

英雄記

襄陽記

東觀記

廣州記

荊州記

寰宇記

成都記

洞冥記

廬山記

集異記

三秦記

續齊諧記

孫盛雜記

西京雜記

太平廣記

廬阜雜記

潘岳關中記

予寶搜神記

周處風土記

荆楚歲時記

煬帝開河記

煬帝海山記

煬帝迷樓記

呂氏家塾記

王子年拾遺記

東方朔十洲記

顧野王輿地記

顧愷之啓蒙記

孔靈符會稽記

雲仙雜記

歸田錄

輟耕錄

傅燈錄

三輔決錄

張渤吳錄

劉向別錄

明皇別錄

晉公談錄

沂公筆錄

東軒筆錄

元城語錄

龜山語錄

魏公別錄

古今樂錄

歷朝捷錄

湘山野錄

沂公言行錄

溫公訓儉錄

南部煙花錄

邵氏聞見錄

王績集

沈約集

江淹集

鮑照集

高適集

崔顥集

謝朓集

李嶠集

李頎集

曹松集

張說集

岑參集

常建集

江惲集

二陸集

李拯集

楊炯集

錢起集

王勃集

昌黎集

張祐集

范雲集

左太冲集

謝靈運集

李太白集

杜工部集

陶淵明集

陳思王集

駱賓王集

劉瑞州集

虞伯生集

謝疊山集

儲嗣宗集

杜牧之集

張曲江集

韋蘇州集

司空圖集

陳子昂集

李商隱集

王右丞集

武元衡集

沈佺期集

孟浩然集

唐太宗集

皇甫冉集

湛方生集

柳宗元集

顏延之集

儲光羲集

劉禹錫集

李陽冰集

裴晉文公文集

六一居士集

蘇文忠公集

白氏長慶集

元氏長慶集

趙文敏集

河東先生集

袁宏漢紀

張璠漢紀

常昭三五紀

皇明通紀

楊子法言

仲長子昌言

國語

家語

陸賈新語

世說新語

魏晉世語

楚辭

古賦

古樂府

李西涯樂府

阮籍詠懷詩

朱子感興詩

漢魏詩乘

玉臺新詠

典論

論衡

鹽鐵論

山海經

博藝經

度人經

師曠禽經

法華經

寶積經

上谷郡圖經

浮丘公相鶴經

九域志

續漢志

博物志

括地志

一統志

龍川志

華陽國志

王逸楚辭註

朱子楚辭註

唐詩三體註

崔豹古今註

李善文選註

顏師古漢書註

酈道元水經註

嚴滄浪詩話

潘子真詩話

隋唐嘉話

玉壺清話

冷齋夜話

三輔皇圖

天台山圖

歷年圖

筆談

澠水燕談

談苑

古文苑

祖庭事苑

唐語林

東坡志林

何氏語林

獨斷

書斷

應劭漢官儀

胡廣漢官儀

三輔舊事

漢武故事

王文正公遺事

宋名臣遺事

寇萊公遺事

雲林遺事

白虎通

風俗通

文選

事文類聚

劉向新序

三齊要畧

琴操

大藏一覽

魏武遺令

百段錦

發明

性理

埤蒼

皇覽

嶺表錄異

杜陽雜編

金徽變化篇

歸藏啓筮

北邊備對

文中子世家

欽嶸詩品

涑水記聞

掇遺

邵伯溫易辨惑

范蜀公蒙求

政要

禮斗威儀

酉陽雜俎

引證羣書目錄終

顧氏詩史目錄

卷之一

三皇五帝紀

三皇五帝

天皇
神農

地皇
黃帝

人皇
唐堯

伏羲
虞舜

赤松子

蒼頡

巢由

巢父
許由

三代紀

夏禹

關龍逢

商湯

高宗

伊尹

傳說

三仁

微子
比干

箕子

夷齊

伯夷
叔齊

周文王

武王

二章

穆王

太公望

周公

召公

老子

李耳

卷之二

周紀上

春秋

管仲

狐偃

介子推

百里奚

三良

奄息
鍼
虎

仲行

子產

孫叔敖

晏子

季札

柳下惠

程嬰

孫子

孫武

孫臏

伍子胥

范蠡

卷之三

周紀下

戰國

商君

蘇秦

張儀

吳起

白起

四君

孟常君田文
信陵君無忌

平原君趙勝
春申君黃歇

侯嬴

虞卿

范蔡

范雎
蔡澤

樂毅

藺相如

呂不韋

莊子

周

淳于髡

陳仲子

魯仲連

屈原

豫讓

荆軻

卷之四

秦紀

楚附

始皇

扶蘇

李斯

王翦

蒙恬

項羽

范增

卷之五

漢紀

漢高帝

孝文帝

孝武帝

孝宣帝

蕭何

曹參

韓信

張良

陳平

紀信

王陵

周勃

黥彭

黥布 彭越

酈食其

四皓

東園公 綺里季

角里先生 夏黃公

賈誼

申屠嘉

周亞夫

袁盎

盎 盎 錯

汲黯

公孫弘

田竇

田蚡 竇嬰

李廣

李陵

蘇武

衛霍

衛青 霍去病

董仲舒

司馬相如

司馬遷

東方朔

霍光

金日磾

魏相

丙吉

趙充國

兩疏

疏廣
疏受

蕭望之

朱雲附

劉向

龔勝

楊雄

嚴君平

卷之六

東漢紀

光武

明帝

章帝

鄧禹

寇恂

馮異

賈復

吳漢

耿弇

馬援

嚴光

馮衍

張堪

劉昆

二尚書

鍾離意
宋均

廉范

耿恭

班固

班超

楊震

虞詡

李杜

李固
杜喬

張綱

陳實

陳蕃
實武

黃憲

徐穉

郭泰

陳寔

李膺

范滂

蔡邕

孔融

禰衡

卷之七

後漢紀

昭烈帝

北地王謀

諸葛亮

關張關羽張飛

漢三將

馬超趙雲

黃忠

龐統

法正

姜維

曹操

荀彧

曹植

王粲

田疇

管寧

孫權

張昭

周瑜

魯肅

卷之八

晉紀

武帝

明帝

羊杜

羊祜
杜預

阮籍

劉伶

阮咸

畢卓

二陸

陸機
陸雲

元帝

二王

王祥
王覽

山濤

嵇康

向秀

王戎

張華

左思

潘岳

石崇

周處

王稽

王裒
稽紹

王衍

顧榮

張翰

劉琨

祖逖

王導

陶侃

溫嶠

卞壺

庾亮

殷浩

桓溫

謝安

謝玄

王羲之

王徽之

王獻之

孫綽

顧愷之

陶潛

五胡十六國附

卷之九

南北朝紀

南宋武帝

劉穆之

檀道濟

謝靈運

顏延之

鮑照

宗炳

袁褚

袁粲褚淵

南齊高帝

謝朓

褚伯玉

梁武帝

昭明太子

沈約

江淹

范鎮

常璩

陶弘景

陳武帝

顧野王

徐陵

北魏孝文帝

崔浩

高允

北齊文宣帝

魏收

後周武帝

庾信

卷之十

隋紀

文帝

煬帝

高頴

蘇威

牛弘

李德林

薛道衡

韓擒虎

賀若弼

許善心

堯君素

辛劉

辛公義
劉曠

王通

楊素

卷之十一

唐紀

高祖

太宗

玄宗

憲宗

劉裴

劉文靜
裴寂

王績

李靖

尉遲敬德

房杜

房玄齡
杜如晦

魏徵

王珪

虞世南

馬周

李勣

長孫無忌

褚遂良

狄仁傑

附

張柬之
崔玄暉

但彥範
袁恕已

敬暉

姚崇

宗璟

張九齡

韓休

孟浩然

李白

杜甫

王維

郭子儀

顏真卿

顏杲卿

張巡

李泌

楊綰

李晟

陸贄

裴度

白居易

元稹附

韓愈

柳宗元

牛李

牛僧孺
李德裕

陸龜蒙

司空圖

卷之十二

五代紀

後梁太祖

後唐莊宗

明宗

後晉高祖

後漢高祖

後周太祖

世宗

王彥章

郭安

郭崇韜
安重誨

桑景

桑維翰
景延廣

劉審交

王朴

馮道

卷之十三

宋紀上

太祖

太宗

仁宗

高宗

趙普

曹彬

陳搏

呂蒙正

張齊賢

呂端

田錫

李沆

王旦

寇準

王魯

呂夷簡

范仲淹

韓琦

富弼

歐陽修

狄青

包拯

文彥博

王安石

鄭俠

卷之十四

宋紀下

司馬光

呂公著

蘇軾

蘇轍

范純仁

李綱

趙鼎

宗澤

韓世忠

岳飛

張浚

文天祥

張陸

張世傑
陸秀夫

謝枋得

遼金附

卷之十五

元紀

世祖

耶律楚材

趙孟頫

虞集

脫脫

顧德輝

楊維禎

倪瓚

詩史目錄終

顧氏詩史卷之一

哈佛大學漢和圖書館珍藏印

三皇五帝紀

華亭顧正誼仲方甫著

○余嘗遐覽古初。思尚友先民之矩。而三皇之世。若有若亡。五帝之世。若覺若夢。即四佐九官。十六相之鴻猷。駿烈。彼其初詎不爛然。而磨滅盡矣。迺鳥跡蟲書。迄今與兩曜並揭。而赤松之仙蹤。巢由之逸軌。其神若飄然於崑崙箕穎之間。而長不朽也。揮毫弔古。私心竊

嚮往焉。聊爲鱗次而紀之。

三皇五帝

天皇氏一姓十三人。繼盤古氏以治。澹泊無爲而俗自化。始制干支之名。

地皇氏一姓十一人。繼天皇氏以治。爰定三辰。是分晝夜。

人皇氏一姓九人。繼地皇氏以治。相厥山川。分爲九區。始制君臣之禮。而政教興焉。

帝太昊伏羲氏。以木德繼天。而王。始畫八卦。

造書契。制嫁娶之禮。在位一百二十五年。崩。

炎帝神農氏。姜姓。以火德王。初藝五穀。嘗百草。在位一百四十年。崩。

黃帝有熊氏。姓公孫。名軒轅。代神農氏而王。始用干戈。作冕旒。造律呂。得六相。而天下治。在位百年。崩。

帝堯陶唐氏。帝嚳之子也。姓伊耆。號放勳。光被四表格于上下。在位七十載。舉舜攝政。又二十八載。崩。禪位于舜。

帝舜有虞氏黃帝八代孫也。姓姚氏。號重華。受堯禪而有天下。在位五十載。崩。禪位於禹。

鴻荒自無始。疇能測其源。楊子鴻荒之世。羣聖更平相

立制作。日已繁。三皇道雖邈。五帝名昭然。白虎通皇

者大也。天之物。惣美大稱也。又曰。德合天地者稱帝。圖書出河洛。神明德

已宣。易河出圖。洛出書。庖犧氏始作八卦。以通神明之德。耒耨利生民。不

復厭腥臙。易曰。庖犧氏沒。神農氏作。斲木為耨。利以教天下。○外

紀古者民食禽獸之肉。而未知耕稼。炎帝始教民藝五穀。苟非二聖力。九土

沒荒煙。二聖。神農。伏義也。上古無征伐。干戈起軒轅。史記

五帝紀黃帝姓公孫。名曰軒轅。神農氏世衰。諸侯相侵伐。軒轅乃習用于戈。呂征不享。吾

知涿鹿戰未夢華胥年。五帝紀黃帝與蚩尤戰於涿鹿之野。遂禽殺蚩尤。○列子黃帝晝寢而夢遊於華胥氏之國。其

國無師長。其民無嗜欲。悟而怡然自得。又二十九年。天下大治。幾律呂既和暢。麟鳳實翩翩。呂

春秋昔黃帝命伶倫為律。取竹於嶰谷而吹之。以為黃鍾之宮。於是鳳凰巢于阿閣。麒麟遊于

苑囿。安有佞人入屈軼生庭前。竹書紀年黃帝

軼之草生于庭。佞人入朝。則草指之。橋山有高塚。誰云上登仙。虛

令漢武帝目斷三山巔。史記黃帝崩葬橋山。皇

封禪書公孫卿曰。黃帝學仙。鑄鼎於荆山下。既成。有龍下迎。黃帝黃帝上騎。羣臣後宮從上。

者七十餘人。武帝曰：嗟乎！吾誠得如黃帝，吾視去。妻子如脫躡耳。○又曰：蓬萊方丈瀛洲，此三神山者，諸仙人及不死之藥，皆在焉。○**丹陵赤龍飛羣生樂堯天**。紀年：帝堯母曰慶都，感赤龍而孕，生堯於丹陵。○史記曰：帝堯者，其仁如天。○**逍遙聖**

化中鑿井復耕田吁嗟擊壤意千秋竟誰傳。論

曰：堯時百姓無事，有五十之民，擊壤於塗，觀者曰：大哉堯之德也。擊壤者曰：吾日出而作，日入而息，鑿井而飲，耕田而食，堯何力於我也。○博藝經曰：壤以木為之，長尺四寸，闊三寸，將戲先側一壤于地，遙於三四十步，以手中壤敲之，中者為上。古野老戲也。○**以彼重華聖**

井廩遇迤邐。五帝紀：虞舜者，名曰重華。舜父瞽

下縱火焚廩，舜乃以兩笠自扞而下去，得不死。後瞽叟又使舜穿井，舜穿井為匿空旁出。舜既

入深，瞽叟與象共下土實井，舜從匿空出去。○易曰：迤邐如迤邐，猶患難也。○**不逢陶**

唐君猷畝亦誰憐。史記曰：舜布衣踐帝座，蒼生

靡不歡薰琴感儀鳳梯山來白環。家語曰：昔者

琴造南風之詩，其詩曰：南風之薰兮，可以解吾

民之愠兮。○書曰：鳳凰來儀。○竹書紀年曰：帝

舜九年，西王母來朝。獻白環玉玦。○**何如牧野戰流血洒川原**。武

曰：師渡孟津，陳于商郊，受率其旅若。○**乾坤有理**

亂聖德無頗偏。選詩物類。○**令我發深感懷古遂**

成篇。陸機詩行。○**赤松子**

赤松子者神農時雨師也。服水玉以教神農。能入火自燒。常止西王母石室中。隨風雨上下。至高辛時。復為雨師。今之雨師本是焉。

翩翩赤松子。養道何寥廓。鴟鳥賦寥廓忽荒兮與道翱翔羽化

洪爐中。楚辭注仙人得道。身生羽毛。故曰羽化。地為

渾沌終不鑿。莊子南海之帝為儵。北海之帝為忽。謀曰。人皆有七竅。此獨無有。常與忽謀。曰。日鑿一竅。七日而渾沌死。

煙飄揚馭飛鶴。浮丘公相鶴經鶴者羽族之宗。長。仙人之騏驎也。○列仙傳正

朝過王母廬。暮授神農藥。帝女復子喬乘白鶴。駐緱氏山頭。

何感雙飛棲碧落。劉向列仙傳赤松子至崑崙山。炎帝少女追之。亦得仙。俱去。○讚曰。耿耿赤松。飄飄少女。接手翻飛。冷然

東方第一天。有碧霞。遍滿。是云碧落。人生一大夢。萬事徒參錯。莊

玉座終寂寞。文選注玉座。玉床也。坐玉床。處天子位也。所以文成侯

翻然思遠托。史記張良曰。願棄人間事。欲從赤松子游耳。良卒。謚為文成侯。○何

物思遠托。物思遠托。悟

蒼頡

蒼頡者黃帝之史臣也。首有四目。通於神明。

寺口

朱

仰觀魁星圓曲之勢。俯察龜文鳥跡之象。采衆美合而爲字。蓋伏羲造書。至頡而始備。故爲文字之祖焉。

太古無書契。結繩以相期。易曰：上古結繩而治。後世聖人易之以書。

契。竭來聖人作六書。運天機。外紀曰：書制有六。一曰象形。二曰假借。三曰指事。四曰會意。五曰轉註。六曰諧聲。

庖犧發其端。蒼頡闡其微。咫尺羅萬象。選詩萬象。威先昭。

虬龍鬱相輝。索靖傳。淮南子：蒼頡造書。而天雨粟。鬼

龍虬之狀。頓令天雨粟。山鬼夜號悲。淮南子：蒼頡造書。而天雨粟。鬼

夜哭。偉哉造化工。千齡誰與同。賈誼鵬賦。造化爲工。

巢由

巢父者。堯時隱人也。山居不營世利。以樹爲巢。而寢其上。故號曰巢父。

許由者。陽城槐里人也。字武仲。堯讓天下於由。由不受而逃去。遁耕於箕山。終身不出。

自古多逸士。武仲名獨烈。掉臂辭聖君。歸來臥

岩穴。子孟嘗君傳。掉臂而不顧。洗耳枕煙水。杳與塵氛絕。高士

傳堯召由爲九州長。由不欲聞之。洗耳於潁水濱。○吳邁遠詩：可憐雙白鵠。雙雙絕塵氛。掬

水堪滿腹。一瓢亦空設。莊子：許由曰：偃鼠飲河。不過滿腹。○逸士傳：許

由隱箕山。以手捧水飲之。人遺一瓢。得以取飲。
飲訖。掛於樹上。風吹。歷歷作聲。尚以爲煩。遂去
之。
不謂飲牛者巢居更高潔。高士傳許由洗耳於潁水濱。時巢父牽犢欲飲之。見由洗耳。曰。子若處高岸深谷。人道不通。誰能見子。子故浮游欲聞。求其名譽。汚吾犢口。牽犢上流飲之。

三代紀

五帝寥矣。迺尚書載三代以來。其文多缺軼。閱覽博物之士難言之。今無論禹謨湯誥。卽斟尋一旅。先復舊物。共和行政。天下晏如。而其詳靡得而紀云。獨龍逢之精忠。三仁二老

之潛見。伊傅周召之勲庸。猶皎皎在人耳目。而柱史玄同。兼總百氏。厥後至以五千言與吾儒鼎立。悲夫。太上立德。其次立功。而彼僅僅以清靜無爲稱不朽。豈不以言哉。采外家之語。補史氏之遺。網羅夏商周終於老子。

夏禹

夏禹黃帝之玄孫也。姓姁氏。父鯀。治水無功。舜殛之羽山。舉禹使治水。禹傷父功不成。乃勞心焦思。八年而水土平。受舜禪而有天下。

國號曰夏在位二十七歲崩其後十七傳而

亡于桀。

夏后乘四載登歷窮川原。

書禹曰予乘四載隨山刊木○孔安國曰

所載者四謂水乘舟陸乘車泥乘輶山乘櫟漢書溝洫志中國川原以百數

受辭蒼

水使探書死委山。

吳越春秋舜以絲治水無功舉禹禹乃勞身焦思東巡登

衡嶽夢見赤繡衣男子自稱玄夷蒼水使者曰欲得我山神書者齋於巖嶽之下登山發石金

簡之書存矣禹退齋三月祭死委山發金簡之書得通水之理

應龍感精靈畫

地消波瀾。

山海經曰禹治水有應龍以尾畫地即水泉流通禹因而治之也

百

川歸巨海然後區中安。

古樂府百川東到海

汨鴻良不易。

帝力亦已殫。

楚辭不任汨鴻注曰汨治也鴻大擊壤歌帝力於我何有哉

何以令吾人悠悠天地間曆數信有歸疾風空

自寒。

大禹謨帝曰來禹天之歷數在汝躬○竹書紀年帝舜十有四年天大雷雨疾風發

屋拔木舜笑曰明哉天下非一人之天下也乃薦禹於天

惜哉瓊宮起王迹

成山樊。

列女傳桀造瓊室瑤臺以臨雲雨○王僧達詩皇漢成山樊注樊林也言王者

之居皆成山林也

九鼎遷商邑何當復來還。

左傳昔夏

也貢金九牧鑄鼎象物桀有昏德鼎遷於商

大禹功已矣感我涕潺

湲。

太史公曰禹之功大矣漸九川定九州至于今諸夏又安○楚辭涕潺湲兮下霑軼注云

潺湲淚流貌

關龍逢

關龍逢者夏桀之大夫也。桀無道，為瓊宮瑤臺酒池糟丘之屬。龍逢極諫，桀怒，囚而殺之。殷遂亡，故君子稱其忠焉。

履癸昔淫暴，沉荒長夜宮。

夏本紀：帝發崩，子帝履癸立，是為桀。○博

物志：夏桀之時，為長夜宮於深谷之中，十旬不出。

萬幾不復理，帝座輕

秋蓬妹喜艷居前，一笑千金空。

列女傳：妹喜者，夏桀之妃也。美

於色，薄於德。桀既棄禮義，淫於婦人，時置妹喜於膝上，為酒池，可以運舟，一鼓而牛飲者三千人，鞞其頭而飲之於酒池，醉而溺死者，妹喜笑之，以為為樂。○登徒子好色賦：嫣然一笑，惑陽城。

迷下蔡，列女傳：楚王登臺，子瞽不顧。王曰：顧吾與女千金。

奔沙填空谷

博物志：桀

為長夜宮於深谷之中，男女雜處。天乃大風揚沙，一夕填此宮谷。

雙日懸西東

博物志：夏桀之時，費昌之河上，見二日。在東者爛爛將起，在西者沉沉將滅。若疾雷之聲，昌問於馮夷曰：何者為殷？何者為夏？馮夷曰：西夏東殷，於是費昌徙疾歸殷。當時諫者

誰獨有關龍逢

列女傳：桀用妹喜之言，昏亂失道。龍逢進諫曰：君無道，必亡矣。

桀曰：日有亡乎？曰：亡而我言不聽，以為妖言而殺之。

金闕終秣馬，骨朽奚

成功

也。其歌曰：秣馬金闕，蓋言國為丘墟。宮闕

之間堪也。丹心自許國，疇敢惜微躬

諸葛亮與李平教曰：詳思

斯戒，明吾丹心。○沈約詩：庶幾千載後，白日著

孤忠豈若全軀士磨滅塵埃中

司馬遷書夫人臣出萬死不顧

一生之計。而全軀保妻子之臣。媒藥其短。又曰。古者富貴而名磨滅。不可勝記。在塵埃之中。安在其不辱也。

商湯

成湯名履。姓子氏。其始祖曰契。為舜司徒。佐禹治水有功。封於商。其後十四世。至湯伐桀。而有天下。在位十三年。崩。又十九傳。而武丁中興。又八世。而帝辛淫虐。武王滅之。封微子於宋。以續殷祀焉。

吾聞商之先降精本玄鳥

史記曰殷契母曰簡狄。三人行浴。見玄鳥

墮其卵。簡狄取吞之。因孕生契。

司徒佐重華。帝功斯浩浩

舜典

曰重華。帝曰契。汝作司徒。

白狼啣鈞來。王業從此造

竹書紀年湯在

亳。有神牽白狼啣鈞而入商朝。金德將盛。

冠履詎可易。胡乃勞征討

儒林傳黃生曰。湯武非受命。乃弑也。夫冠雖敝。必加於首。履雖新。必關於足。何者。上下之分也。

今桀紂雖失道。然君上也。湯武雖聖。臣下也。非弑而何。

干羽不復施。虞風

滅如掃

書曰。苗民逆命。帝乃誕敷文德。時變使舞。干羽于兩階。七旬有苗格。

時變使

之然聖心非草草。慚德終難化。哲人所共曉

書曰。

成湯放桀于南巢。惟有慙德。曰。予恐來世以台為口實。

不意盟津師復似

鳴條時周紀曰武王伐紂師渡盟津紂師皆倒蒙衣其珠玉自燔于火而死○夏本紀湯率兵以伐夏桀桀走鳴條遂放而死

高宗

高宗名武丁小乙之子也舉傅說為相殷道復興在位五十九年而崩

高宗初踐位不言且三齡書曰王宅憂亮陰三

武丁即位思復興殷而未得其佐三恭默思賢年不言政事決定於冢宰以觀國風

佐魂夢通精靈書曰王恭默思道擢彼巖居士

委國使持衡見下傳飛雉登鼎响商室遂中興

史記曰武丁祭成湯明日有飛雉登鼎耳而响武丁懼祖已曰王勿憂先修政事可也武丁修

政行德天下咸運掌羣后集長驅荆楚平商頌曰捷

彼殷武奮伐荆楚注殷道衰楚人寢成良足美

叛之高宗捷然用武以伐其國商頌有遺聲商頌曰寢成孔安注寢廟中

伊尹

伊尹者有莘之處士也名摯湯使人聘迎之

三反然後從湯湯任以國政於是說湯以伐

桀救民之事遂滅夏湯立為天子伊尹為相

歷仕五朝而卒號曰阿衡

伊摯生空桑。迂誕不足剖。天方降賢佐。靈異良

非偶。楚辭注。伊尹母妊身。夢神女告之曰。白竈

東走。顧視其邑。盡為大水。母因溺死。化為空桑。水乾之後。有小兒啼水涯。人取養之。既長大。有

才。未遇明王知。欣然棲畎畝。事見孟子。安能調鵠羹。

負鼎君左右。楚辭。綠鵠飾玉。后帝是饗。注言伊尹烹鵠鳥之羹。修玉鼎以事湯。湯

賢之。遂以為相。史記。伊尹欲干湯而無由。乃為有莘氏媵臣。負鼎俎。以滋味說湯。致于王道。

乃悟磻溪翁。應非鼓刀叟。楚辭。師望在肆。昌何

注。呂望鼓刀在列肆。文王親往問之。呂望對曰。下屠屠牛。上屠屠國。文王喜。載與俱歸。嗟

嗟兩聖臣。俱負要君醜。子車徒好辨。未息縱橫

口。漢書注。聖證論。曰。子孟軻字子車。三聘始歸湯。出處誠不苟。如

何五就桀。逐逐勞奔走。

傳說

傳說者。殷高宗之相也。初隱於傅巖。代胥靡

版築以供食。武丁夜夢得聖人名曰說。迺使

百工營求之於野。得說於傅巖中。舉以為相。

天下大治。殷道復興焉。

桓桓武丁相。辰尾化精魄。莊子曰。傳說得之以相武丁。奄有天下。乘

車維。騎箕尾。而比於列星。音義曰。今尾上有傳說星是也。○神仙傳曰。說上據辰尾為宿。郭璞

江賦挺異方其未遇時操築傍巖石離騷曰說

人之精魄巖兮武丁一朝感帝夢圖形遠相覓說命曰王

用而不疑良弼乃審厥象俾以形旁求于天風雲會有時

釋褐君王側後漢書論曰中興二十八將威能

說被褐帶索庸築傅巖武丁得之舉以為三公○楊雄解朝曰夫上世之士或釋褐而傳霖

雨潤羣生鹽梅調鼎食書王命說曰若歲大旱

爾惟英雄有儻侗楚辭欲儻侗以干際虎變良

難測易曰大苟非明王知淪落將誰識傷哉巖

穴士撫心空嘆息

三仁

微子者殷帝乙之首子而紂之庶兄也名啓

為紂卿士紂淫亂於政微子知其必滅殷於

是恐先王之絕祀也故潔身以避其難

箕子者紂之諸父也名胥餘為紂太師紂淫

泆箕子諫不聽乃被髮佯狂而為奴

王子比干者紂親戚也為少師見箕子諫不

聽而為奴乃直言諫紂紂怒曰吾聞聖人之

心有七竅信有諸乎乃殺比干而剝視其心

孔子曰殷有三仁焉

高宗條焉沒殷祚日以蹙帝辛淪荒淫黎元困

荼毒

史記曰帝乙崩子辛立是為帝辛天下謂之紂好酒淫樂嬖於婦人為長夜之飲百姓怨望

妲己喜殘刑

列女傳妲己者殷紂之妃也嬖

貪亂寧為荼毒幸於紂紂為炮烙之法膏銅柱加之炭師延工

艷曲

樂書曰師延與紂為靡靡之樂武王伐紂師延東走自投濮水中朱鳥亂

烽燧

王子年拾遺記紂欲討諸侯使飛廉為烽燧之時有朱鳥銜火如星之照耀亂以烽燧之光紂乃回惑使諸國滅其烽燧夷羊滿

郊牧

淮南子曰夷羊在牧許慎注夷羊土神商之將亡見於商郊牧野之地故國

餘勲臣三仁咸貴族拳拳抱忠貞不忍宗祊覆

司馬遷書拳拳之忠不能自列左傳獻公使荀息傅奚齊荀息曰臣竭其股肱之力加之以忠

貞其濟君之靈也不濟則以死繼之公曰何謂忠貞對曰公家之利知無不為忠也送往事居

耦俱無猜貞也國語曰今將大泯其宗祊注廟門謂之祊宗祊猶宗廟也佯狂寧

得已

微子世家曰箕子諫紂不聽而去或曰可以

惡而自說於民吾不忍為奴剖心其就戮史記王

也乃被髮佯狂而為奴剖心其就戮子比干

曰君有過而不以死爭則百姓何辜乃直言諫

紂紂怒殺比干而剖視其心楚辭比干忠諫而剖去者非偷生成湯胤當續史記微子曰父

主以義屬故父有過子三諫不聽則隨而號之人臣三諫不聽則其義可以去矣於是遂行周

武王克殷。微子乃持其祭器。造於軍門。肉袒面縛。武王復其位如故。及周公誅武庚。乃命微子代殷後。奉其**象箸既興嗟**。史記曰。紂始為象箸。先祀國于宋。箕子歎曰。彼為象箸。必為玉栝。為玉栝。則必思遠方珍怪之物。而御之矣。輿馬宮室之漸。自此始。不可振也。紂為淫。箕子諫不聽。遂隱而鼓琴。以自悲。故傳之曰。箕子操。**麥歌終慟哭**。史記曰。箕子朝周。過故殷墟。感宮室毀壞。生禾黍。箕子傷之。欲哭。則不可。欲泣。為其近婦人。乃作麥秀之詩。以歌詠之。其詩曰。麥秀漸漸兮。禾黍油油。彼狡童兮。不與我好兮。所謂狡童者。紂也。殷民間之。皆為流涕。**允哉後世名皎皎俾冰玉**

夷齊

伯夷叔齊。孤竹君之二子也。遜國而逃。就養

于西伯。武王伐紂。夷齊叩馬而諫。天下宗周。而夷齊耻之。義不食周粟。餓死於首陽山。終不降其志焉。

上古廉潔士夷齊卓不羣

漢書贊曰。大雅卓爾不羣。

遜國全

大義

史記曰。父欲立叔齊。及父卒。叔齊讓伯夷。伯夷曰。父命也。遂逃去。叔齊亦不肯立。而

逃之。國人叩馬譏時君

史記曰。西伯卒。武王載立其中子。叩馬。號為文王。東伐紂。

伯夷叔齊叩馬而諫曰。父死不葬。爰及于戈。可謂孝乎。以臣弑君。可謂仁乎。左右欲兵之。太公

曰。此義人也。**耻食周家粟寧棲首山雲**

史記曰。武王已

扶而去之。平殷亂。天下宗周。而伯夷叔齊耻之。義不食周粟。隱於首陽山。采薇而食之。

遺歌有

逸響朽骨隨灰塵

古詩彈箏奮逸響。○史記伯夷餓且死。作歌曰。登彼西山兮。采其薇矣。以暴易暴兮。不知其非矣。神農虞夏忽焉沒兮。我安適歸矣。于嗟徂兮。命之衰矣。

遂餓死於肯陽山。為善乃如此天道原無親

道無親。常與善人。若伯夷叔齊。可謂善人者非邪。積仁潔行。如此而餓死。君看豐鎬

間荒草何紛紛

枯安足論苟無青雲操千秋何所聞

砥行立名者。非附青雲之士。惡能施於後世哉。

周文王

文王季歷之子也。名昌。有聖德。初紂囚昌於

羑里。闕天之徒。求美女奇物獻紂。紂乃赦昌。

賜之弓矢鈇鉞。使專征伐。號曰西伯。是時三

分天下有其二。以服事殷。及武王踐祚。乃追

尊西伯為文王。

殷商政如燬西伯方秉鞭

詩王室如燬。○楚辭伯昌號衰。秉鞭作牧。

注秉鞭。牧者之事也。言西伯昌服事殷。而為之執鞭。以作六州之牧也。朽骨被恩

澤

新序周文王作靈臺。及為池沼。掘地得死人骨。况於人乎。

虞芮罷爭田

而不平。乃相謂曰。西伯仁人也。蓋往質焉。乃相與朝周。入其境。則耕者讓畔。行者讓路。二國之君感而相謂曰。我等小人。不可以履君子之境。乃相讓以其所爭田為閒田而退。天下聞之。而歸者四。十餘國。居姜遭薄蝕。周紀曰。崇侯虎譖西伯於紂。紂曰。西伯將不利於帝。紂乃囚西伯於羑里。○救阮消風煙。詩曰。密人不暋。阮徂共。王赫斯怒。爰整旅。鸞鶯兼赤鳥。峴沓岐山巔。國語曰。周有赤鳥集于周社。○選詩賓御紛。峴沓注。峴沓貌。衆盛。且當承曆數。龍飛入九天。易。飛龍在天。大聖信無心。征誅非所先。吁嗟牧野戰。文王當不然。史記曰。武

王伐紂。陳師牧野。

武王二章

武王名發。姓姬氏。其始祖曰弃。堯時為農師。封于邰。號曰后稷。后稷之曾孫曰公劉。遷居于豳。公劉之九世孫曰亶父。避狄。邑于岐山。四方爭歸之。亶父之少子曰季歷。季歷生昌。昌為西伯。是為文王。文王生發。發者文王仲子也。代文王為西伯。十一年克商。而有天下。在位七年崩。謚為武王。其後九世而厲王失

國十世而宣王中興。十二世而平王東遷于洛邑。王室卑。天下分爲列國。又二十四傳而爲秦所滅。赧王廢爲庶人。

姜原感巨跡靈鑿集有周

史記曰。后稷母曰姜原。見巨人跡。心忻然。

說。欲踐之。踐之而身動如孕者。居期而生。后稷。○選詩靈鑿集朱光。誕子投寒水。

飛鳥來相求

詩誕寘之寒水。鳥覆翼之。○史記曰。姜原生后稷。以爲不祥。弃之于

渠中冰上。飛鳥以其翼覆薦之。姜原以爲神。遂收養長之。

天命信有在所遇

非人謀赫赫虞廷佐躬耕分帝憂

舜典曰。帝曰。棄。黎民阻飢。

汝后稷。播時百穀。○史記曰。棄好耕農。相地之宜。宜穀者稼穡焉。民皆法則之。帝堯聞之。舉弃

爲農師。

疇能繼其緒厥後有公劉

史記曰。公劉修

懷之。多徙而保歸焉。周道之興自此始。

豈父避狄難作邑岐山幽

史記曰。古公亶父立。薰鬻戎狄攻之。古公乃與私屬遂去幽。止於岐下。幽人舉國歸古公於岐

下。及他旁國聞古公仁。亦多歸之。

膺膺周原間歸者若雲浮

詩

原膺膺。

翦商良自此二子復東遊

魯頌曰。后稷之孫。實維太王。實

始翦商。○史記古公有長子曰太伯。次曰虞仲。次曰季歷。季歷娶太任。生昌。有聖瑞。古公曰。我

世當有興者。其在昌乎。太伯虞仲知古公欲立季歷。以傳昌。乃二人亡如荊蠻。文身斷髮。以讓

季歷。是以百年後一掃定神州

周德世休明

左傳德

蒼生望已久盟津會羣辟

興師東伐紂

史記曰武王東伐紂師畢渡盟津諸侯咸會

魚鬣動王

舟

竹書紀年曰武王伐紂渡孟津中流白魚躍入王舟王俯取魚長三尺目下有赤文成字

言紂蜂旗翻北斗

拾遺記周武王東伐紂夜濟可伐。河時雲明如晝有大蜂狀如

丹鳥飛集王舟

長駟及商郊桓桓布羣醜仁者

稱無敵殷師咸北走奚為自相攻流血漂杵曰

武成曰武王師渡孟津陳于商郊甲子昧爽受率其旅若林會于牧野周有敵于我師前徒倒

戈攻于後以叔旦何所嗟紂躬焚且剖

楚辭曰列擊紂

北血流漂杵。躬叔旦不嘉。何親揆發。定周之命以咨嗟。○史記曰紂敗走。登于鹿臺之上。蒙衣其珠玉。自燔

于火而死。武王自射之。三發而後下車。以輕劍擊之。以黃鉞斬紂頭。縣太白之旗。不聞

鳴條戰前軍梟桀首

史記曰湯率兵以伐夏桀。桀走鳴條。

世變與

時移淳風復何有。所以廉貞士

楚辭誰知吾之廉貞。首陽

其立朽

見上伯夷注。

穆王

穆王名滿昭王子也。得八駿之馬。周行天下。

觴西王母於瑤池之上。樂而忘反。徐偃王作

亂。王命造父為御而歸。日行萬里。殺偃王於

彭城。在位五十五年崩。

周穆乘八駿。逝將窺大荒。

穆天子傳八駿之乘。又曰天子之駿赤驥。

左傳昔穆王欲周行天下。祭公謀父作祈招之詩。以正王心。王是以獲沒於祗宮。其詩曰。祈招之。倍。倍。式。昭。德。音。思。我。王。度。式。如。玉。式。如。金。形。民。之。力。而。無。醉。飽。之。心。○博物志。同時德澤盛。蒿大以爲宮柱。名曰蒿宮。○古詩。白楊多悲風。白楊塚上木也。

太公望

太公望者。東海上人也。其先祖嘗爲四嶽。封於呂。太公名尚。姓姜氏。呂其封姓也。尚以漁釣。奸周西伯。西伯將出獵。卜之曰。所獲非龍非虜。非虎非羆。所獲霸王之輔。於是周西伯獵。果遇太公於渭之陽。與語大說。曰。自吾先

君太公曰。當有聖人適周。周以興。子真是邪。吾太公望子久矣。故號之曰太公望。載與俱歸。立爲師。其後佐武王伐紂。定天下。封於齊。百有餘歲而卒。

呂尚辭棘津困頓靡所適

游俠傳。呂尚困於棘津。○漢書地理志。棘

津城在瑯琊海曲。

鼓刀朝歌間

離騷云。呂望之鼓刀兮。遭周文而得舉。注。太公

居東海之濱。聞文王作。而歸之。至於朝歌。道窮困。因自鼓刀而屠。鼓鳴也。戰國策。姚賈曰。太公望朝歌之廢屠。注。朝歌屬。垂釣磻溪側。○經注。磻溪內。賈肉不售。故曰廢也。○尚書大傳。周文王至磻溪。見呂望。蛟龍無

終潛遇合周西伯

三國志周瑜曰恐蛟龍得雲雨終非池中物也。○佞幸傳

諺曰力田不如逢年善仕不如遇合。

立談成帝師投竿歸相國

曰夫上世之士或立談而封侯。

○史鳥集周邦

熾

鄒陽書曰周文王獵涇渭載呂尚而歸用鳥

故若鳥鳥之暴集。○揚雄

鷹揚殷旅克

維鷹揚涼彼武

吁嗟一代雄經綸信無敵

甫吟君不見朝歌屠叟辭棘津八十西來釣良

時苟未遇白首棲盤石

麗元水經注磻溪中有石壁深高幽邃人跡罕

及東南隅有石室蓋太公所居水次盤石釣處即太公垂釣之所其投竿跪餌兩膝遺跡猶存

明王今已矣去去藏深澤

劉楨詩懿此出深澤

周公

周公名旦武王弟也自文王在時旦仁孝異

於羣子武王十一年伐紂周公佐武王作牧

誓武王已破殷踐阼封公於少昊之墟曲阜

是為魯公武王崩成王少周公恐天下叛乃

攝行政當國於是管蔡流言而成王疑之公

乃避位居東二年其後成王感風雷之變而

迎公公遂東征誅管叔武庚還而相成王制

禮作樂興成周之治焉。

九臣咸赫奕惟公勲最優

九臣謂周公旦召公奭太公望畢公榮公

太顛闕天散宜生南宮适

克商驅猛噬負戾安諸侯

孟子周公無夷

狄驅猛獸而百姓寧西都賦倚僂狡扼猛噬○禮記周公朝諸侯于明堂之位天子負斧依南向而立鄭玄曰周公攝王位以明堂之禮儀朝

諸侯也。不於宗廟避王也。負之為言倍也。斧依

為斧文屏風於戶牖之間。周公於前立也。二叔妄流言公去不可留

書曰武王既喪管叔及其羣弟乃流言於國曰公將不利於孺子周公乃告二公曰我之弗辟

我無以告我先王。周公居東二年。則罪人斯得。注居東辟居東都也。皇天乍赫怒

烈風震皇州成王啓金縢涕泣相追求

書曰秋大熟未

穫。天大雷電以風。禾盡偃。大木斯拔。邦人大恐。王啓金縢之書。乃得周公所自以為功代武王

之說。王執書以泣曰。昔公勤勞王家。惟予冲人弗及知。今天動威以彰周公之德。惟朕小子其

親逆。王出郊。天乃雨。反風。禾則盡起。促駕迎公還慰此蒼生憂長

驅且東伐一徂忽三秋

周公世家曰管蔡武庚反。周公乃奉成王命。興

師東伐。遂誅管叔。殺武庚。三年而東土定。敵人猶慕義戰士寧懷愁

歸來賦東山軍中起歌謳

詩小序曰東山。周公東征也。周公東征三

年而歸。以勞歸士。作是詩也。敢言破斧勞四國盡宗周

破我既斧。又缺我斨。周公東征。四國是皇。吐握下羣士。白屋靡不酬

外傳曰成王封伯禽於魯。周公誠之曰。無以魯驕士。吾文王之子。武王之弟也。成王叔父也。又

相天下。吾於天下亦不輕矣。然一沐三握髮。一飯三吐哺。猶恐失天下之士也。○漢書蕭望之說霍光曰。今士見將軍者。皆先露索挾持。恐非周公相成王躬吐握之禮。致白屋之意。師古曰。白屋。謂白蓋之屋。以茅覆之。賤人所居。頃令成周治上與虞庭侔。制作亘千古。百王孰能儔。竹帛垂遺烈。感我意悠悠。

召公

後漢書劉禹傳。垂功名於竹帛。

召公名奭。周之同姓也。周武王之滅紂。封召公於北燕。其在成王時。召公為三公。自陝以西。召公主之。自侯伯至庶人。各得其所。召公

卒而百姓懷之。作其棠之詩焉。

文王善施仁。召伯宣其德。所以恩澤懋。王風播南國。試覽其棠篇。惕然生感激。愛樹思其人。千

載情何極。

史記曰。召公巡行鄉邑。有棠樹。決獄

無失職者。召公卒。而民人思召公之政。懷棠樹。不敢伐。歌詠之。作其棠之詩。

老子

老子者。楚苦縣人也。姓李氏。名耳。字伯陽。謚曰聃。生於殷時。為周柱下史。好養精氣。貴接而不施。轉為守藏史。仲尼至周。見老子。知其

聖人乃師之。後周德衰去。至西關。關令尹迎之。廼著書五千餘言而去。莫知其所終。

伯陽生李下鶴髮真仙靈

神仙傳曰老子之母適到李樹之下。生老子。

子。老子生而能言。拈李樹曰。以此為我姓。老子內傳。太上老君。鶴髮龍顏。江淹詩。往來盡仙靈。

大隱宦周柱養拙窺沉冥

選詩。小隱隱朝市。伯夷竄首。大

陽老聃伏柱史。○列仙傳。老子為周柱下史。○史記注。柱下史。謂御史也。恒在殿柱之下。○老子曰。大巧若拙。○杜甫詩。谷神如不死。養拙更

何鄉。○漢書曰。蜀嚴沉冥。孟康曰。蜀郡嚴君平。沉深玄默。

周衰身將退爰有流沙行

列仙傳。老子與令尹

喜俱遊流沙。莫知所終。

青牛度函谷令尹欣相迎

列仙傳。老子見

周德衰。乃乘青牛車去。入大秦。過西關。關令尹喜待而迎之。知真人也。乃強使著書。作道德上

下經二卷。關令尹喜者。周大夫也。善內學。隱德修行。老子亦知其奇。為著書授之。著書

五千言囊括萬化弁

老子傳。關令尹喜曰。子將隱矣。強為我著書。於是老

子廼著書上下篇。言道德之意。五千餘言而去。○賈誼過秦論。囊括四海之意。猶龍信

難測去去無終極。史記。孔子適周。將問禮於老

若虛。君子盛德容貌若愚。吾所以告子。若是而

已。孔子去。謂弟子曰。鳥吾知其能飛。魚吾知其能游。獸吾知其能走。至於龍。吾不能知其乘風雲而上天。吾今日見老子。其猶龍邪。

乘風雲而上天。吾今日見老子。其猶龍邪。

詩。史記卷之二。一。五。十。四。

詩史卷之一終

